欽 定 全 唐

文

答顏具鄉謝史部侍郎批答顏具鄉謝史部侍郎批審顏具鄉謝東部侍郎批冊和回統公主文冊獨孤類長女為貴妃文冊獨孤類長女為貴妃文 代宗四代宗四十九目錄 批

金などよう、オセーフ

/ -						akakalan makiki.	
次定全害丈 · \$ 四十七							
至				奕	新	ナ	大
是				密嚴經序	翻	歴	歴
14			;	經序	護國	九年	4
<u> </u>				, 1	仁	夏	夏
ب					王般	全大	全 大
自蜂					若	大歷九年夏至大赦文	大惩八年夏至大赦文
· 李 					經序	文	又
		<u> </u>	,				, .

							•
		,	į				

欽定全唐文人卷四十九代宗 **卿鬱然詞宗雅有朝望高標勁節恐霜霰而不渝握** 則念舊錄功然以地官務殷惟才是屬周行所舉殊恆朕 懷 聕 欽定全唐文卷四十九 門傳儒行代挹公才忠義在躬幹蟲從政頃外八座式答顔真卿謝戶部侍郎批 所謝 水鏡之規往鎮兩河能鳴風雨之晦比雖因事見貶今 代宗 知 答顏具卿謝吏部侍郎批

卿 之方雅屬旌旄之寄人存政舉其在兹乎所謝 **階鳴水蒼之雜佩佇聞密啟以定九流舉其朝綱愈曰惟** 允所謝知 衡鑒人偷而式敘是用特加命數光乃純臣復銀青之舊 維大應二年歲次丁未五月己酉朔十三日辛酉皇帝若 助會府著山海之績而七澤交帶三江要衝式資統尹 明邁偉才忠貞壯節夙推公器累踐周行專城高魏尚 答顏真卿謝荆南節度使批 和回紇公主文 知

欽定全唐文人卷四九代宗 之命是用册曰某公主敬承徽禮可不慎數 懷柔之道烏孫下嫁已申飾配之儀紅綬增榮後龍疏 維大歷三年歲在戊申二月景子朔十日乙酉皇帝使某 雲漢之姿聯華宸極河洲之德著美公宫整玉笄於錦車 蓋春秋之義咨爾新羅王金乾運母素推熟閥 官某持節冊命曰於戲子承家嗣作藩輔之臣母加尊 日帝乙歸妹表於易象魯侯築館列在春秋容爾第某 銀膀於毳帳善修鎖則載叶蕃情實資輔佐之功廣我 翀 新羅王太妃文

前人無改其道欽承典那可不慎 内助有教子之明訓膺繼 耶 國 處中壹貴人之位事上以敬接下以仁睦我親隣亦 德 位亞長秋坐論婦道聽天下之內治亭人倫之大端 盛禮是用冊為新羅王太妃修乃慈範撫其嗣君永 大愿三年歲次戊申月日皇帝遣使某官某册命 可尚其儀可則鑒於圖史式是禮容儷東方君子之 家式是風化惟爾贈禮部尚書獨孤穎長女祥 册 獨孤類長女為貴妃文 代之新命固可以崇峻徽章 歟 御

臣下之勤勞謙讓益勤記功惟最聲流形管道洽紫庭克於道藝每鑒圖書動有箴規必脫籍珥進賢才以輔佐知宮備申哀敬能盡其節實同我心久奉椒塗載揚蕙問勤 次定全書文·长四十九代宗 承先命肅恭之儀克稱等旨靈與比幸侍從勤誠祗事 美宜崇禮冊俾舉季章是用冊日貴妃往欽哉無或居 副宫教敬修壺職眷求賢淑用峻等威百辟抗辭六宫 有淑慎之行自成嬪則藴此貞懿灼其芳華選躬之初奉 騎無或處貴而逸降情以逮下誠事以防微潔其粢 媛體仁則厚履禮維純有沖敏之識不資姆

服其幹濯敬循禮節以率嬪御膺兹嘉命可不慎歌 容法度成於壹教之慈敏達知微周旋中節肅雍是憲婉第某女承徽自遠誤秀增華仁孝才明夙有天資之慶言 漢家舊制諸女皆封儀服比於藩王膏腴封其井賦咨爾 靜流芳雖僅在部年禮未主於同姓而載揚淑問德已冠 於成人宜錫典章用疏國邑是用冊曰某公主欽承徽 大歷四年歲次已酉三月壬申朔五日景子皇帝若日

次定全馬之一美国上山代宗 某宫 要固可總以文武屏於家邦 有所得事迫於悔未當復行時因講義之餘兼達理戎 夙夜爰命小子統兹元戎某英茂有才寬簡彰信豈孝恭 選建明德時維鷹揚予之珪瑞並賜旌鐵祗奉前訓敢 外大寧多以藩王委之方面元宗震耀威武外攘夷狄 維大壓五年歲次庚戌三月丁已朔十六日壬申皇帝使 之外至亦禮讓而中發能辨雅樂尤精善書言表於微)持節冊命日於戲昔武德貞觀之際親賢兼敘 親王出將文 屬河外名都方缺上 9 獨 忘 亦

漸海也莫不賦兼千乗土過數班賜鉄鉞以專征參卿 惟寧大邦惟屏也漢之郡國分建子弟則燕代邊遼齊趙 某官某乙持節冊命曰於戲周之藩翰選用宗盟則懷德 維大歷六年歲次平方五月壬辰朔十六日丁未皇帝使 大任歷選中朝雖慙知子之明不忝安邊之奇錫以戎輅 保靖疆土惠安氓俗服我明訓永乎于休 分以兵符撫其四封式是羣帥仍求素望俾副新軍爾 夾輔拜之於廟命之於庭俾其外合羣后同獎王室是 グシュ たっしれローナ **册鄭王邈為天下兵馬元帥文**

次定全害文 卷四十九代宗 我 其綠車之尊爾其大訓六師以率諸夏敬兹厥服無廢朕 周 親我略諸子侍從或有所聞時與之言頗詳其旨必能當 朝制叶子師真仍選輔車委閥 旋體仁恒久其道懿此休問流於四方朕往統藩旄當 師古率由至公鄭王邈幼奉君親之訓兼承保傅之 失墜勤而行之忠肅孝恭資其令德温良聰達輔以 辨正五經之儒采述三雅之樂不自矜尚過於謙 册普寧公主文 留府錫 以形弓之龍 £

宫之教和邦 齊之美更治肅 容資於內訓詞禮是則令淑增華封魯之樂已開湯沐 於戲 協用葬典咨爾普寧公主孝敬閑婉朗然風成法度 大歷七年歲次壬子七月庚辰朔十六日乙未皇帝 太清宫使 下侍 春秋之義下嫁之禮主于同 族之姐 郎 上杜國齊國公王縉持節禮冊爾其奉同中書門下平章兼宏文館大學士知確寵爾有行舉兹成命今遣使金紫光 載 揚 徽水作來範故 姓送以上卿 克明 邇

欽定全唐文人卷四十九代宗 表建侯之業仰承守器之重仁孝之德夙夜惟寅朕天命 歸於子漢氏成規宗廟社稷實賴其慶咨爾皇太子适稟 與委以戎律理軍靖難保大定功克復帝圖廓清妖孽旣 天地之仁合日月之耀道光三善孝著十倫項者國步 有終弗與弗寤非至公無以主天下非至德無以臨四海 用命汝陟於元后嗣守皇業上繼宗桃下安羣望其令 大歷十四年歲次己未五月辛丑朔二十三日癸亥皇 日於戲昊天有命皇王受之立嫡以賢春秋之義傳 傳位皇太子册文 崇復宗社稟成命以受律敢貪天以為功聖慈宏深冊· 西夏佐成草珠件掌戎車國步艱難會圖廣運再清寓縣 守邦祗敬予訓 宜遵太宗之法度肅宗之儉約任賢勿貳去邪勿疑與眾 喪禮有變於金革順人聽政個勉從權朕頃侍靈與率彼 高宗嗣與訪開成受終之禮康王承統翌日奉願命之書 下侍郎同中書門下平章事常衮奉册即皇帝位於戲 萬事尚殷蕭牆有釁蒼生竹理社稷謀安教雖達於通 即 位赦文

炎至全善文一长四十九代宗 明 企及前王百辟抑予俾恭遺訓俯遂衆望嗣膺丕烈欽兹 未康式協公卿之心仰遵易月之命奉時斯在先甲未孚 在問安而閱牆構災陵長成禍間開作孽聞寺滔天職為 彼有罪成伏其辜廢於雜官真於城顏今天衢雖泰率土 大寶懼不勝任若蹈春冰如集喬木邇日者先聖哀損朕 之哀未釋閉凶之罰奄鍾攀號罔極若無天地誓終喪紀 **階階置巫蟲將行竊弄覆我邦家賴良弱翊戴爪牙同** 天道助順神理害盈昭此共工之心終貽管蔡之辱舍 兩奉若庭訓敢有总心嗚呼不弔昊天殃咎荐至皇

量移近處逆賊史朝義已下有能投降及率眾歸附者當 緊囚見徒常赦所不免者罪無輕重成赦除之自開元已 超與封賞天下禁囚不得過五日所有推劾不得分外拷 鎮効力配軍團練等一切即放還其中有見任刺史縣令 來所有諸色犯累者並宜雪免左降官並諸色流人及罰 掠亦不得信支證便結罪名諸色文武官應在凌霄門 宜允人神覃兹渙汗可大赦天下自寶應元年五月十七 及正員者並依本任其四月十五日已後諸色流貶者與 金气 昧爽已前大辟罪已下已發覺未發覺已結正未結正 とうとうで

者與致仕官及父母邑號已亡及者追贈諸州防禦使并 與一子官刺史縣令入五品減雨考內外文武官三品 停天下子為父後者各賜勲一轉州縣官自今已後宜令 謁見者并飛龍射生等並宜以寶應功臣為名諸州刺 下百姓逋租懸調貸糧種子諸色欠負官物一切放免開 元乾元等錢並宜準一文用不須計以虚數益昌郡王 考一替太官賽膳等特宜減省有涉奢侈一切宜停 賜爵一級四品已下各加一階諸州刺史父母在無官 封鄭王延慶郡王迴進封韓王故庶人皇后王氏故庶

崇恩王追封為衛王靈昌王追封為耶王其有明於政理應安禄山註誤反狀人等並宜昭雪建昌王追封為齊王 人太子瑛鄂王瑶光王琚宜並復封號棣王炎永王璘欽定全唐文 卷四十九千号 朕意 道用康兆人寶位重光深其德澤被服漸漬洽於生靈者 惟高祖太宗數大德於天下覆載之內湛思茂育累聖 宜搜揚聞薦投匭者不須勘以停處姓名務招直言以副 博綜典墳文可經邦謀能制勝及孝悌力田諸州刺史並 **弄**算號赦文 同

大臣自由と一張四十七代宗 寶應元聖文武孝皇帝朕涉道日寡慚德良多恐沮樂推 清六合網決八紘庶齊大道之時克復太平之理至化猶 之心自增神器之重俯膺典冊敬受鴻名便欲謁報昊天 鬱兵嚴初解百辟卿士中外衆臣並進昌言請上徽號曰 並惟災患憫兹有犯無罪萬方朕上戴皇天下臨點首奉 制 先聖之成命集一切之大勲元惡旣誅羣生思乂是欲鏡 不開釁起渠魁毒流區宇三軍七萃之士豪傑忠良之徒 百有五十年之間兵不作而刑將指矣自寇虐橫厲山東 在風波遭其驅劫繇是干戈不息征賦寔煩哀我人斯

諸色流人罰鎮効力安置配隷等 免者成赦除之左降官即量移近處亡官失爵各與收飲 舊章博採羣公之義乃貞協用之紀其寶應二年改為廣 輕重已發覺未發覺已結正未結正繁囚見徒常赦所不 **德元年爰屬履端乃宏肆告救兹湯火俾雲行而雨施滌** 輟兹大禮式候元冬切為踰年改元之制績承洪業敢廢 金気とよう 展事郊廟又以孟秋多稼垂及西成王畿之間人實勞止 瑕穢將玉振而金聲宜廣更始之恩用明**嚮勸之福** 天下自廣德元年七月十一日昧爽已前大時 J 切放還其安禄山 罪 口

欽定全唐文人卷四十九代宗 其中有頭首能勘率并束手來歸者并加官賞仍令本道 老應徵租稅刺史縣令據見在戶徵科其逃亡死絕者不 月三十日已前並放免一戶之中有三丁放一丁庸調地 朝義親族應在諸道一切原免並無所問天下所有諸色 諸道百姓逋租懸調及一切欠負官物自寶應元年十 結聚羌渾党項但能悔過自陳各歸生業一切並捨其罪 得虚攤隣保河北百姓復三年應是回紀行營經歷處免 稅依舊每畝稅二外天下男子宜二十五成丁五十五入 防禦使并管刺史縣令分明曉諭所有到者各具名錄奏

都督等並封為王諸部督並封國公河北副元帥懷恩宜 **階仍各賜兩轉天下兵馬元帥雍王智謀夙成忠孝純** 今年租稅内外文武三品已上賜爵一級四品已下加一 親麗華毗伽可敦可汗及左右內外宰相已下共加實封 咄登密施合俱錄英義建功毗伽可汗可敦冊為娑墨光 熟茂武成宜兼尚書令加實封二千戶迴紀可汗冊為頡 恭行討伐親統元戎撫外蕃以仁訓羣帥以義班師獻 二萬戶令御史大夫王翊持節就衙帳井禮左右殺胡禄 太保仍與一子二品官一子四品官並階更加實 捷 至

欽定全唐文《卷四十九代宗 薛嵩田承嗣張獻誠等各與一于五品官並階仍加實對 戸李抱玉郭英义辛雲京侯希逸田神功孫志直白孝德 義李光逸楊崇光李懷光張如岳白元光温如雅拓拔澄 二百戶魚朝恩寄崇師律程元振敷高佐命各加實封二 令狐彰並各與一子五品官並陷加實封二百戸李寶臣 百戸幽州節度使懷仙與一子三品官並門加實封二百 泌高暉盧欽友成惟良曹楚玉等各與一子五品官加實 百戶仍與一子五品官並階僕固場高彦崇渾日進李 百戶河南副元帥光弱與一子三品官並階更加實封三

察使立功將士其父兄在無官者依子文武與官已及者 等已上各與一子出身二王後各與一子官諸道節度觀 那縣主嗣王郡王等各與一子官皇親五等已上諸親三 未官者並準舊例與官及封永穆並長樂已下長公主及 追贈陣亡將士襲父官爵河北河南有懷材抱器安身守 難已來將相勲業高者其名籍圖畫亦準此子儀與一 與一子四品官並階加實封一百戶儀王及彰王已下男 四品官并陷加實封二百戸苗晉卿劉晏裴遵慶元載各 百戶仍各賜鐵券以名藏太廟畫像於凌烟閣并寇 欽定全唐文《卷四十九代宗 縣令自今以後改轉刺史三年為限縣令四年為限員外 節素在邱園不仕為眾所知委所在長官具名聞薦應授 及攝試官一切不得釐務諫官每月上封事無所迴避河 母無邑號官者宜與致仕官及邑號贈者更與改贈刺史 街資歷聞奏量才處分文武正員常参官並諸州刺史父 偽官等並已昭洗於京有過宜有甄收委所縣勘本官名 河北偽度僧尼道士女冠並與正度天下刑獄須大理 力田經術通博文詞雅麗政理優長本州各以名薦 斷刑部詳覆不得中書門下即便處分諸色人中有孝

合符七聖在天眷命永固朕嗣守鴻業敢忘奉先尚質貴 惟我高祖太宗之有邦罔不昭事於上帝嚴恭敬是與神 請元子以居少陽冊命乃行匕鬯攸主按風雨之清道 誠幸修盛典頃以四方多難資在朕躬建侯行師日不 給東擒羯胡之首西樂犬戎之患元元告病社稷阽危 純嘏番戎即敘弓矢載麋虔奉泰壇鹽寐接神祇之顧 外攘不追展禮雖高明未達而精意惟勤克通至誠以 保宗社歲時結霜露之思近又百辟在庭嚴然而進奉 南郊赦文 内 服

軍 量移近處亡官失爵放歸不齒之類並官已復資未得 門者各量與收敘諸色流人及量移人並罰鎮効力配隷 未結正繫囚見徒常赦所不免者咸赦除之左降官即 星火之仲春朝於元元格於藝祖躬執珪奠祗見南郊 何言哉神所勞矣敷兆人之戳穀廣四達之聰明式重 國務繁關輔尤劇念兹疲耗久困徵科其京城諸司諸 切放還自兇孽亂常王室多難于戈不息今已十 /經益申解網之惠可大赦天下自廣德二年二月 日珠爽巴前大辟罪無輕重已發覺未發覺已結 一代宗

定數官給資錢不得干擾百姓其寶應元年十二月三 刺史縣令據見在實戶量貧富作等第差科不得依舊 府餘八萬一千一百一十四人并停所須衛役使宜搏節 欽定全唐文 卷四十九 郎 納資人每月總八萬四千五十八人數內宜每月共支二 使應配曠騎官散官諸色丁匠幕士供膳音聲人執祭齋 九百四十四人令河東關內諸州府配不得偏出京 巴前諸色欠逋在百姓腹内者并放免天下戶口宜委 問事掌閉漁師並諸司門僕京兆府騎丁屯丁及諸色 鄰保其天下諸州府長史及縣令有清 1 兆

并拾其罪其中有能率先來降者仍特加官賞征人不息 歲徵求數廣彫弊轉深自今已後除正租稅及正勅并度 委本道節度及諸防禦使等審與州府商議如地非要害 有諸色結聚及羌渾党項等能悔過自陳各歸生業 狀聞奏朕當差人按覆與所舉狀同者超資進改天下 無所防虞其團練人等並放營農休息寇戎以來積有年 「若聞善政稱最能招輯逃亡編附復業戶口增多者 成斯久丁壯疲弊老弱困窮光武有言頭鬚為白我藏 刃牧養元元方面重臣宜悉朕意應諸州團練將士等

階諸道節度使各一子五品官并階都防禦使及經略等 **階寶應功臣普恩之外三品巴上各與一子六品官賜爵** 銀完全唐文、卷四十九、 使各與一子六品官并階去歲行幸陝州六軍英武威遠 煎業特崇子孫沈翳者委所司勘責各與一人官成都靈 支符外餘一 父後者賜勲兩轉副元帥光弼子儀各與一子三品官并 武元從普恩之外三品已上更賜一級四品已下更加 級四品已下各加兩階更賜敷兩轉五品已上官子為 級四品已下各加一階仍並賜敷兩轉武德元從功臣 一切不在徵科限内外文武官三品已上賜爵 述

久己と与し、 美国上七代宗 武威遠威武等諸軍左右金吾將士緣大禮扈從及在城 王國公者及永穆長樂已下長公主及諸郡縣主並嗣 留後者共賜錢五萬貫鴻臚蕃客共賜錢一千貫儀王及 カロ 威武寶應射生衙前射生左右步軍等并內外文武百官 自陝州至上都已來置頓使及州府長官普恩之外各與 扈從到行在者三品已上與一子官四品已上各加兩階 子出身置頓使判官已下緣路縣令及專知置頓官各 王巳下諸王男未有官者並準舊例與官其已封為郡 | 陷其六軍神策寶應射生衙前射生及左右步軍英

中丞等取曾任刺史者郎官亦取曾任縣令者并所選 繁左右丞綱轄攸歸比來百司職事皆廢宜令明徵式令 官非累歷才行特堪任用者自布衣已下任所在聞薦委 縣令任在親人職務所更是為理本其左右丞侍郎御史 金なとうたつとれてコノ 各舉所職百官有論時政得失并任指陳事實具狀進 史亦宜於錄事參軍縣令中簡擇仍須資歷稍深者其有 郡王各與一子官皇親五等已上諸親三等已下各與 出身二王之後各與一子官臺省之官事資履歷刺史 書門下尚書省考試堪任者不在此限尚書省政理 御

後 處 者普恩之外更與 將親覺必加擇用朕每思素儉敦以淳風必約嚴章以齊 必宜切直無諱有司白身人亦宜準此任詣風使進表朕 并許終制 年之喪謂之達禮自非金革不可從權其文官自今已 分一切盡停尚聞因循其弊未革即宜申明舊動勒停 冊皇太子行事官撰冊并書文及簡較造冊官普恩之 俗其珠玉器玩寶细雜繡等一 三品巴上賜爵 一切不得輒有奏請緣大禮應升壇殿行事 : |-一子官應在太清宫郊廟諸色職掌者 級四品已下加 代言 切禁斷諸道攝官頻有 階的賜勲 轉

欽定全唐文 卷四十九八 子順孫義夫節婦在表門間終身勿事五嶽四瀆名山上 勲雖兇渠之授首勞師黷武豈人主之用心況乃軍役屢 叶五紀者建號以體元受四時者布和而順氣天心可見 與干戈靡定茫茫士庶斃於鋒鏑噫皇穹以朕為子蒼 主多方顧以薄德乘兹艱運戎壓問罪今已十年飲至策 人欲是從爰立大中之道式受惟新之命朕嗣膺下武獲 川今古聖帝明王忠臣義士宜令所管致祭 下耆老九十已上版授刺史七十已上版授上佐縣令孝 改元永泰赦文

擠於溝壑非朕之咎誰之過數朕所以取朽懸旌坐而待 於定全書文 长四十七代宗 化 察成聽朕命叶宣乃力務履清白之道還與淳素之風率 曙勞懷罪己之念延想安人之策亦惟羣公卿士百辟庶 爽已前大辟已下罪無輕重已發覺未發覺已結正未結 天下改廣德三年為永泰元年自永泰元年正月一日昧 以朕為父至德 黎元歸於仁壽君臣一德何以尚兹題者刑政不修惠 未治旣盡財力良多抵犯靜惟哀於實勢於懷今將 網維益明懲勘肇舉改元之典宏數在宥之澤可大 不能以被物精誠不能以動天俾我生靈

能東手而來一切並無所問自廣德元年已前天下百 所欠負官物 等因被驅率不獲已者及所在山谷草竊反側未安者 功計謀任重不終臣節輒肆姦凶妄誘異蕃同為不軌 人切須撫字一夫不獲情甚納隍有能 緊囚見徒常赦所不免者成赦除之僕固懷思戰伐 務責己情重舊勲 增多戶口廣闢田疇清節有聞課 租庸外不得更别有科率刺史縣令與朕分憂彫 ニニーショラ 切放免在官典腹内者不在免限其百 如能翻然來歸必從寬宥其下偏 招輯逃亡平均

欽定全唐文人卷四十九代宗 試量能敘用應見立仗諸軍將士等宜共賜錢五萬貫書 親 專營農事其逃戶復業及浮客情愿編附者仰州縣長吏 稱成秩詩美懷柔仰惟衆靈念兹多祐其五嶽四瀆名山 政迹涉贓私必當重加貶奪永為殿累農政本也食人天 力田懷才抱器遺逸未經薦達者各委州府間奏親當策 也方春之首重於東作除軍與至急餘一切並停令百姓 節度觀察具名聞奏即令按覆超資揮授其有理無能 就存撫特於賦役全不濟者量貨種子務今安集孝弟 川宜令所管牧宰精誠致祭中外寮吏各揚其職無或

朕 曠官克副朕意 師為人除害實賴宗社降福寰宇小康用與淳樸之風庶 王者欽若昊天誕受丕命莫不協五紀而乗運稽三後以 彫察是用灰心疾首當宁而與懷罪以在予取朽而 薄德而臻於此乃者金革所聚綿悉歲時征賦頗繁 嗣守鴻業恭臨實位頃以時當寇難運屬干戈誓衆 雅熙之化乾坤敷祐大庭生靈文武協心同力王室豈 元上齊璿衡下立人極乃頒歷於惟歲更覃思於率 改元大歷赦 興

言薄賦之規前王令範朕志遵儉約務欲息人徵飲無免者成赦除之長吏犯贓不在免限夫從簡之道大易 深行慶之典可大赦天下其永泰二年宜改為大歷元年和宜順一陽之氣建元發號革故維新俾及履長之節用 覺未發覺已結正未結正繫囚見徒罪無輕重常放 自大歷元年十一月十二日昧爽已前大辟罪已下已 誠為勞弊天下百姓除正租庸及軍器所須外不承正勅 たこと的人気ヨトレ代宗 正之符承日至之永祥雲在赐既當伯趙之司惠澤 每思宏濟之道用拯黎元之弊月纏星昴律中黃鍾

者宜委州縣取逃死戶口田宅量丁口充給仍仰縣令親 史縣令宜以招輯戶口墾 道按察使節度等使案覆聞奏如課績尤異當加超權或 鄉村安存處置務從樂業以贈資糧王畿之間賦飲 井其逃戶復業者宜給復三年如百姓先貨賣田宅盡 稅般繁編戶流離田疇荒廢永言牧宰政切親人其 切不得輒有科率國以人為本人以農為業項縣師 理無聞必置科貶逃亡失業萍泛無依特宜招撫使安 百役供億當甚艱辛哀我疲人良深憫念盍徹之稅 田多少用為殿最每年終委

度恭郊廟 未經薦用者委所在長官具以名聞奏朕當親自策試量 辟賢良垂之典謨永代作則天下有安貧樂道孝弟力田 自古帝王順時行令當北至之炎燠應南風之長嬴必事 **才敘用其立仗將士等定賜物五萬匹五嶽四瀆名山大** 自周經未便於人何必行古其什一 川祀典攸存神理昭著宜以禮致祭 刑解網申惠敘麥秋之氣而代天理物矣朕獲奉珪壁 大胚八年夏至大赦文 紀有餘承累聖之鴻業為兆人之父母戰戰 ジナラ 一稅宜停周徵俊造漢

皆自王化之未醇風教之多關俾民忘恥格俗虧禮讓陷 就拘辨對官曹幽閉獄戶永惟械聚之慘追復冒犯之縣 效思與萬方百碎成共樂之而未能也況或抵常憲累然 敏定全唐文 卷四十九八 在刑典久於狴牢當順陽助生之時積冤蔽感傷之氣百 姓有過在子一人顧認欽恤誠切傷痛用申在有之旨庶 臻嘉敦豐行宿麥滋殖問間之開倉廩皆實百價低賤實 兢兢恐不克濟而天地幽賛陰陽化育關輔之内農祥薦 惟新之令自大歷八年五月二十五日昧爽己前天 小康此皆上帝報則烈祖儲祉御士存誠黎元盡力之

乎伸一夫之不獲思用哀恤與之和寧頃屬夷夏多虞干 流巴下罪並宜放免敢以赦前事相言告者以其罪罪之 欽定全唐文、卷四十九代宗 竊自陷典刑纍然園土之下竹期視除之命永念愚感則 緊囚見徒及已發覺未發覺已結正未結正死罪並降徒 戈是務徵賦頗重黎元不康内迫艱窮外乗師旅因行**盗** 亡命山澤挾藏軍器百日不首復罪如初夫承天之教 朕誕膺天命以撫方夏兢兢多惕保祐惟人懼庶獄之未 三時有成自中形外則四海蒙福嗟爾庶士諒悉予懷 大厯九年夏至大赦文 主 則

量給藥物厚加優賞其陣亡將士仰本路隨事優恤妻子 各申錫資其百姓鰥寡孤獨不能自存者困窮無主誠 宜 有刀箭所傷久嬰沈疾者勠力疆場致身鋒刃各委所縣 **良傷仰所在州府長官每事以諸色官物量加瞻恤** 沈繁致傷和氣萬方有罪在予一人將冷至淳之化更 放免敢以赦前事相言告者以其罪罪之其在軍将 巴下已發覺未發覺已結正未結正罪無輕重一切 惟新之理其大歷九年四月二十四日昧爽巴前大 疾心而寰宇之間舉類斯眾今火中惟夏長嬴及時 辟 並

欽定全唐文人卷四十九代宗 竺泳沫漢庭行無緣之慈納常樂之域信其博施傾芥城 皇矣至覺子於元元截有海以般若之舟翦稠林以智慧 中外諒悉朕懷 根其本以彼取此何其遼哉朕忝嗣鴻休丕承大寶軫 而逾遠仰夫湛寂超言象之又元五始不究其初一 劒綿絡六合羅罩十方宏宣也深志廣也大自權與天 周動植純嘏之錫庶延子孫凡在品類各宜遷善宣示 所亡命山澤挾藏軍器百日不首復罪如初在有之典 新 翻護國仁王般若經序

泉宅心秘道緬尋龍官之藏稽合驚拳之旨懿夫護國實 在兹經竊景行於波斯庶闡揚於調御至若高張五忍足 明 終繼事而增華譬彼堅冰始積水而非厲先之所譯語質 致使古今翻譯清濁不同前後參詳輕重匪一其猶大輅 推之於無則境智都寂引之於有廼津梁不窮思與黎 辰與物無為人人艱止不有般若其能已乎當深身定 惻隱之深永祛衆難實惟化清之本名假法假心空色 共臻實相而絕納貝葉文字參差東夏西天言音訛謬 以夕惕方徹枕 而假寐夫其鎮乾坤遏寇虐和風雨著

妙門爰令集京城義學大德良責等翰林學士常衮等於 藥棘悲感霜露捧戴遺詔不敢怠遑延振錫之羣英終為 夾遠齊洪鐘待扣竹延吹萬之額率訓開三之典朕哀纏 印度之聲明洞中華之韻曲甘露沃朕香風襲予旣而梵 極伊成字圓褰裳西指汎杯南海影與形對勤將歲深妙 空推校詳譯未周部卷三藏學究二語教傳三密義了宗 玉毫澹慮真境發揮滿教搜級缺文韶大德三藏沙門不 山之九似開府朝恩許國以身歸佛以命弼我真教申夫 未融披讀之流臨文三覆凡諸釋氏良用慨然先聖翹誠 いたましてたりし代宗

水 資仙駕飛慧雲於四天迥出塵勞躡金蓮於十地朕理昧 槧含毫研精隨選曩者 部略刊定較然昔之沈隱鉤索煥 開於厥後將發皇永永可推而行之時旃蒙歲木堇樂月 矣足可懸諸日月大燭昏衢潤之雲雨橫流動植伏願 朕聞西方有大聖人焉演不言之言垂無教之教啟迪 大明宫南桃園詳譯護國般若畢並更寫定密嚴等經握 多年文 老セイナ 關文慚麗則見推序述惋撫空懷聊紀之於首篇庶克 密嚴經序

欽定全唐文人卷四十九代宗 為龍何必變於鱗介家成於國寧即改乎姓氏矧訛略輕 本質須存此經梵書並是偈頌先之譯者多作散文蛇 靜識浪珠清意原窮賴邪能變之端照自覺甚然之境深 聞之所聞豈色見之能見嘗潔己至妙允恭付屬是欲泉 是乎欽哉密嚴迹超三有量同乎法界相離于極微非聲 蒙求于娑婆邱陵示達觀于密嚴世界匪染淨在我實是 實發披聾瞽遷其善者不疾而速皆其益者即聖自凡擊 非游而楚越生于念中盈缺頓于目下彼魚藏鳥逝其若 心極其惟是經夫翻譯之來抑有由矣雖方言有異而 茜

空像教棟梁愛河舟楫戒珠在握明鏡入懷雪沙雲征窮 重或有異同再而詳悉可為盡善大與善寺三藏沙門不 方足可窺鑒闕如抑揚了義部令集京城義學沙門飛錫 豈不美歟豈不美歟朕詞乏清華文非遊麗志流行於秘 鹿野之真諦帆飛海宿究馬鳴之與旨聲該八轉言善兩 簡牘憑其本夾依以頌言太羹之味不遺清月之魄恒滿 翰林學士柳抗等詳譯斯文及護國經等對執貝多翻該 **贖將布獲於無窮聊課虚懷序之篇首云爾**

Million Chicago and control bed on			occurios de la distribució de la constanta de l	tada (hillara manara)	custim of encodes	and the state of the	(Sel en er skelville
たこと手こうだこ 目録 II 販貨百姓制	授范希朝京西行營節度使制	一	貶吕渭歙州司馬制	停雜稅制	加郭子儀尚父制	德宗	欽定全唐文卷五十目録

金片在是文艺卷五十 即位求賢詔 答令狐峘諫厚奉元陵韶 **删定條格詔**

次に上上上大三十 定公主郡縣主出降觀見儀文詔 遣黜陟使分行天下詔 立宣王為皇太子詔 令舉人指陳事跡詔 **放張涉詔** 罷尚書左僕射劉晏領使詔 定兩稅認 上沈皇太后尊號認 令天下錢穀歸尚書省詔 目錄

母の日月ラーキョー 李曹濮等州休兵詔 還馬燧家資認 削奪李惟岳官爵部 贈李元忠郭昕詔 贈郭子儀太師認 賈全等不必避嫌詔 贈楊休明等官認 貶楊炎崖州司馬部

改定全害文 <u>老五</u> 十 国解				優卹郭子儀諸子部	討李希烈詔
			•		

次定全事之一美豆」他宗 武孝文皇帝廟號德宗 軒皇致治必資力牧虞舜為政實賴皐陶苟無師臣豈登 年立為皇太子大瑟十四年五月即位建中元年正月上 應元年五月進封魯王八月徙封雍王出鎮陝州廣德二 欽定全唐文卷五十 尊號曰聖神文武皇帝在位二十一年年六十四諡曰神 帝韓适代宗長子天寶元年生至德元年封奉節郡王寶 德宗皇帝 加郭子儀尚父制

等使上柱國汾陽郡王山陵使食實封一千九百戶子儀 支度鹽池六城水運大使押蕃部及管內及河陽道觀察 氣膺台輔道佐經綸當乾坤交泰之時正君臣定位之禮 我肅宗皇帝龍飛靈武翦滅鯨鯢公則揚佈宣威佐清 督單于鎮北大都護充關內河東副元帥朔方節度關內 合我大行皇帝撫軍鞏洛收復都邑公則摧殄諸寇滌 仁壽故日望輔已成之業指揮致維師之名伊尹出空桑 之中異賛頁阿衡之號司徒兼中書令河中尹靈州大都 河而又獫狁犬戎共侵涇略公則挺身鋒刃獨立戰 ごろうシネヨー

威肅禍亂豈周武有尊師之道朕無崇德之名宵衣永歎 倚辦庶續其凝凡所詢謀必竭寅亮敬加從話則率土歡 夕惕增懷雖年者益明轅門待鎮然復土寄重留籍倚 心寄以緝熙則葬倫式序宏宣五教訓洽生靈光昭七德 草料有司備禮以時無命 通 前滿二千戸每月給一千五百人糧料并給二百匹馬 退窮醜威雄工萃塞垣無警社稷永康朕遭閔凶爰 加號尚父兼太尉中書令山陵使熟封如故仍加實 闇公又外釐百揆内舉四維委監山陵克修制度萬個 N. ייוני ליוני

晉有司曹之諱歎其忠於所事亦謂確以上聞乃加殊恩 欽定全唐文《卷五十名号 吕渭僭陳章奏為其本使薄訴官名朕以宋有司城之嫌 等數準大應十四年八月七日勅處分 自 **俾膺厚賞迅聞所陳少字往歲已任少卿昔是今非罔必** 作年支兩稅徵納比來新舊徵科色目一切停罷兩 艱難已來徵賦名目繁雜委點防使與諸道觀察使刺 **輒别率** 停雜稅制 貶 吕渭歙州司馬制 錢四等官準擅興賦以枉法論其軍府支計 稅

大三十二十一人 大二一德宗 號觀察使李巡山河粹氣道德清英蔚為積祥生我王國 良佐庶迪前聞云誰之思朕志先定前檢校禮部尚書俠 **戢而戎狄為虞豈誠信所未孚何聲教之不暨是以夢想** 難每虔心至理思致和平夕惕興懷納隍是慮今干戈甫 之本繫乎其任授之以道將在之人朕嗣守不圖運逢多 自昔元后表正萬那必兼聽以求聞乃選賢而自輔理亂 州司馬同正 何甚豈得謬當朝典更厠周行宜佐遐藩用誠薄俗可 授李泌平章事制

粗定傷夷未瘳務息戰伐之謀遂從通和之請亦知戎醜 入掌中樞内司闕衮賛兩儀之化育貞百度之經綸協 動會時中讓正居心謀飲允哲自膺分陝累冷嘉聞宜其 夷簡不雜高明有融深厚以致誠直方而可大識窮化本 乃者吐蕃犯塞毒我生靈似擾隴東深入河曲朕以兵戈 守中書侍郎同中書門下平章事 金万百月八天五十 志在貪婪重違修睦之解乃允尋盟之會果為隱匿變發 人麥總廊廟咨爾才實惠於邦家往欽哉式行成績可 聚恤吐蕃盟會使崔漢衡等制 和

惻然此皆由朕之不明致其至此旣無德於萬衆亦有愧 遗宫縱犬羊光狡之羣栗文武信誠之衆蒼黃淪陷深 欽定全唐文《卷五十德宗 於屢空錄以息男庶或資於薄俸漢衡宜與一子七品官 之良士朝之盡臣嬰繁穹廬眇然異域念其家室雖未周 司勲員外郎鄭叔矩檢校戸部郎中路沁殿中侍御史韓 弇及大將孟日華辛樂李至言范澄王良實樂演明陽昔 四方宵肝貽憂何嗟而及今兵部尚書崔漢衡等皆國 次尉裴頲及副兵馬使已下各與一子九品官仍並 交成等各與一子八品官試左金吾兵曹參軍袁同直 四

齊車徒以申國威以固王略非誠節茂著無以分統六師 古之命將帥修封疆在於整軍非以耀武故繕理亭障訓 好謀而成當領元戎鎮於朔野控河上之塞拒漢南之庭 有貞臣之節有良將之風識達武經學綜兵要臨事能斷 校右僕射兼右金吾衞大將軍充右街使成紀男范希朝 修其政刑諭以威德士吏向慕裔夷綏懷入觀京師策勲 非熟績彰明無以并護諸將副兹重任實在忠賢特進檢 正員官餘將士各與一子官仍委本使即具名衛間奏 授范希朝京西行營節度使制

統北路節制西陲成魏絳和戎之熟振晁錯備邊之策俾 遵奉如有違越委御史臺及出使即官御史訪察以聞 康豈安終食故所以販贍優貸思致人安方鎮牧守誠宜 朕嗣守丕圖於兹七稔每念萬方所奉惟在一人百姓未 鎮行營兵馬節度使熟封如故 一府泊司警衛禁旅增嚴直道彌彰嘉庸茂著固可以總 体可開府儀同三司檢校左僕射兼右神策京西諸城俗率化穑人成功師乗以和烽堠無警懋昭丕續時乃 縣貸百姓制 恵宗

多定全唐文 卷五十千 業稽三王之法志酌千古之獻言積純粹而外發德輝自 中散大夫守中書侍郎同中書門下平章事上柱國賜紫 金魚袋齊抗文合大雅行歸中庸宏道而致遠含章而居 裁成必歸良直以中樞之餘力得東觀之全才思革前行 以穆在乎宰執君舉必書宏厥史職典領著作允資蓋 明誠而居為國器權登密勿每竭計謨察其忠諒多所宏 天工人代緝熙庶績所以達四方之志遂萬物之情王猷 以序王道之端辨人事之紀勸懲教化在於春秋錯綜 授齊抗兼修國史制

|欽定全唐文| 卷五十德宗 **茝之清芬炳珪符之瑞采易凌沛獻詩掩楚元古人素風** 台並之崇秋策熟認爵以龍分茅並可金紫光禄大夫檢 造次於是師氏典訓周旋以之固可以超金紫之貴階升 命嘉王運循王通恭王通等皆孝敬恭懿敏裕齊莊播蘭 草三代義雖本於敘族道無愧於尊賢式遵舊章爰舉成 修明簡策惟爾之休可兼修國史餘並如故主者施行 允資盛德山甫補闕已彰於匪懈臧文立言行聞於不朽 **晋載堯典首稱睦族詩歌周德實美維城朕嗣統百王憲** 授嘉王運等檢校司空制

章事鄭餘慶項謂忠貞擢居台輔仍乖正直有涉比周棄 恪朕擢於不次誠其效忠乃自速辜亦所難追凡百君 邕府歲貢奴婢使其離父母之鄉絕骨肉之惡非仁也能 宜悉朕懷可柳州司馬置同正員 校司空賜上柱國仍依百官例給料錢 .弄情公行黨比苟徇邪志頗紊葬倫爾佐遐藩以懲不 **两之臣百辟是憲苟二其行則職大猷守中書門下** 罷邕府歲貢奴婢詔 **貶鄭餘慶郴州司馬制**

昔高宗諒陰三年舜為堯禹為舜亦服喪三年故禮曰 飲定至哲文人长五 年之喪自天子達是知問極之思昊天難報朕度奉遺詔 終喪紀百辟卿士宜悉哀懷 肱 欲遂權奪抑就公除攀號痛心實所未忍朕將從禪服以 朕聞禮貴緣情因心展孝高宗得說其代予言今朝有股 濟為舟機出納惟允足以保邦沉茶蓼在懷日時猶淺 素服練巾聽政詔 **禪服終制詔** 一德宗

年十二月内到朕當親試 名聞諸色人中有孝悌力田經學優深文詞清麗軍謀宏 律令格式條目有未折衷者委中書門下簡擇理識通明 天下有才藝尤著高蹈邱園及直言極諫之士所在具以 日釋服朕以素服練巾銜哀聽政凡百在位知朕意焉 又迫於羣議將欲從吉未忍割哀其百僚宜以今月十上 武藝殊倫者亦具以名聞能詣闕自陳者亦聽仍限今 ちょうこううこ 即位求賢詔 删定條格詔

官共删定自至德以來制勒或因人奏請或臨事頒行差 互不同使人疑惑中書門下與測定官詳決取堪久長行 非唯中朕之病兼亦成朕之身今所以令朕免不子之名 朕頃議山陵心方迷謬忘運先旨遂有優厚之文卿聞 用者編入條格 該通識達宏遠深知不可切以為言引古援今依經據理 不遺君親於患者皆卿之力也敢不聞義而從收之桑榆 始終期無失墜嗟乎古之遺直何以加 答令狐峘諫厚奉元陵詔 יויז יכופר 卿

必自於因心入學固知其讓齒升兹上嗣庶貞萬國可立 慶發高禄兆申甲觀為子之道惟父能知審其觀志宜承 則七鬯之主深盛之重樹元貴嫡有邦之先宣王誦生 則君親之大義帝王之宏範無先於此矣朕以眇身續 欽定全唐文卷五十程符 古制既賢且長聰明敏博温恭孝友不自滿假率由憲章 主器者莫若長子繼明者必建儲兩旣以傳重亦以宗本 不緒夕惕祗畏惟懷永圖承八葉之耿光居四海而稱 統固能總式監撫載乎鼎實不絕馳道謙敬益崇問 立宣王為皇太子詔

書度支總統焉 退長吏令點防使各量風土所宜人戶多少均定其賦尚 年墾數為準徵夏稅無過六月秋稅無過十一月違者進 之餘征賦悉罷而丁額不廢其田畝之稅率以大麽十 郡縣稅三十之一居人之稅秋夏兩徵之各有不便者三 戸無主客以見居為簿人無丁中以貧富為差行商者在 為皇太子宜令所司擇日備禮册命 次定全害文 长五十德宗 定兩稅認 罷尚書左僕射劉晏領使詔 7 四

宜停天下錢穀委金部倉部中書門下揀兩司郎官準格 羣議思有變更將置時和之理宜復有司之制晏所領使 宜遵古制其江淮米準旨轉運入京者及諸軍糧儲宜令 朕以征稅多門郡邑凋耗聽於羣議思有變更將制時雍 式調掌 庶務悉心瘁力垂二十年朕以征稅多門鄉邑凋耗聽 書左僕射劉晏頃以兵車未息權立使名久勤元老集 東都河南江淮山南東等道轉運租庸青苗鹽鐵等使尚 イノニッラ ラニ 令天下錢穀歸尚書省詔

歸金部倉部委中書門下簡兩司郎官準格式調理 欽定全唐文人卷五十德宗 綱未振法令未敷封圻郡縣賦稅不一師旅上下勞逸不 京者及鹽鐵財貨委江州刺史包信權領之天下錢穀皆 庫部郎中崔河圖權領之今年夏稅以前諸道財賦多 亦命八使澄清天下朕續承大業思服訓養雖王公卿士 人聞唐虞聖人之理三載考續點防幽明兩漢施教之君 勤夙夜藩岳守将外盡公忠而兵革未寧戎狄未盡紀 所以終宵積憂寤寐增惕爰命羣士往代子言行乎四 遣黜陟使分行天下詔

嚴父事地莫盛於尊親朕躬承天命以主社稷執珪壁以 事上帝祖宗克配園寢永終而内朝虚位闕問安之禮街 王者事父孝故事天明事母孝故事地察則事天莫先於 悲内側憂聽終歲思欲歷舟車之路以聽求音問而主兹 頗駭時聽常所親重良深歎息宜放歸田里 尊師之道禮有所加議故之法恩有所掩張涉賄賂交通 方以聽於理舉其百事以歸於正朕之深願可不勤副也 放張涉詔 上沈皇太后尊號詔

次定年每七一美五十德宗 士約古今舊儀及開元禮詳定公主郡縣主出降觀見之 就家人之禮事資變革以抑浮華其令禮儀使與禮官 齒序之義舅姑有拜下之禮自家刑國多愧古人今縣主 姓主之爰自近古禮教陵夷公郡法度僭差殊制姻族關 前典宜令公卿大夫稽度前訓上皇太后尊號 有行將俟嘉命俾親執棗栗以見舅姑敬遵宗婦之儀降 冠婚之義人倫大經昔唐堯降嬪帝乙歸妹迨於漢氏同 重器莫匪深哀是用仰稽舊儀敬崇大號舉兹禮命式遵 定公主郡縣主出降覿見儀文詔

勞动各分析言之 堪者任用比來所舉少有撫實殊乖素來求才之意自今 金与と月ントオラ 常參官及節度觀察防禦軍使城使兵馬使諸州刺史少 以後每舉人皆令指陳其承前事跡如有政能行義藝業 尹赤令畿令并七品以下清官及大理司直評事等頃者 文儀以聞 令内外新授官人三日内上表舉一人自代欲於中選才 賈全等不必避嫌詔 令舉人指陳事跡詔

中書令柱國汾陽郡王尚父子儀天降人傑生知王佐訓 望之名為師增周公之位盛業可久殁而彌光故太尉兼氣根貞一之德功至大而不伐身處高而更安尚父比吕上以調三光下以象五岳允釐庶績鎮撫四夷體元和之 殘親自選擇事非常制不令避嫌 責則虧恩不令守官仍為至當賈全等十人非緣畿內凋 天地以四時成物元首以股肱作輔公台之任鼎足相 功勞近臣至親子弟旣處繁劇或招過犯寬宥則捷法 定全唐文《卷五十德宗 贈郭子儀太師詔

遇冠於人臣尊其元老加以崇號期壽考之永養熟賢之鐵龍在台衛以公柱石四朝藩翰萬里忠貞懸於日月龍 為我公能扶異肅宗載造區夏於國有患勞其戡定於邊 德膏肓生疾藥石靡功人之云亡果木斯壞雖賻禮加等 而勞乎征鎮二紀於兹頃以春秋旣高疆場多事罷彼旌 絳臺綏四散之衆涇陽降十萬之虜熟高今古名警夷狄 有寇藉其驅除安社稷必在於絳侯定羌戎無喻於充國 輟朝增日悼心流涕曷可弭忘更議追崇名位斯極而尊 如子料敵若神昔天寶多難羯胡作獨成秦失險河洛

我元臣聖祖園陵所宜陪葬式墓表文終之德象山追去 米麥三千石 師陪葬建陵仍令所司備禮册命賻絹三千匹布三千端 率職自關隴失守東西阻絕忠義之徒泣血相守慎固封 病之熟于載如存九原可作冊命之禮有司備馬可贈太 略奉尊朝法皆侯伯守將交修共理之所致也伊西北 為尚父官協太師雖爵秋則同而體望尤重飲以衮冕旌 久二十二十二 徳宗 二庭四鎮統任西夏五十七蕃十姓部落國朝以來相奉 賜李元忠郭昕詔

節度觀察使李元忠可北庭大都護四鎮節度留後郭 罔上行私苟利其身不顧於國加以内無訓誡外有交 郡佐登於鼎司獨委心膂信任無疑而乃不思竭誠敢 尚書左僕射楊炎託以文藝累登清貫雖謫居荒服而虚 可安西大都護四鎮節度觀察使其將吏已下敘官可超 姦蠹進邪醜正旣偽且堅黨援因依動涉情故隳法敗 猶存朕初臨萬那思宏大化務權非次招納時髦拔 **为全是文** 卷五 貶楊炎崖州司馬詔

真邀爵禄外結光黨益固奸謀不孝不忠宜肆原野朕尚 惟岳隳其父業蔑棄國恩銀經之中擅掌戎務矯陳款 欽定全唐文卷五十德宗 李惟岳其父寶臣有忠勞於王室夷險之際猶全誠効而 馳驛發遣 縱恣詐欺以成贓賄詢其事跡本末乖謬蔑恩棄德負我 念其前緒容以自新伴護父喪以其屬歸闕待以好爵 體特有宏貸俾從遠謫以肅具家可崖州司馬同正 深考狀議刑罪在難宥但以朕於將相義切始終顧 削奪李惟岳官爵詔 占

於部曲皆受之天府不取私門猶能垂名史册遺芳千載 忠臣之事君也願願家以奉國良將之養士也或均財以 加封賞 而沉執上將之旗鼓率先登之士卒將行命賞罄乃家財 **周惠爰自古昔其儔盆鮮故實嬰陳金於廟無趙奢散財** 問其屬將校能以所部兵馬州縣來降者便授以本職仍 之如初告諭旣勤罔有俊革蠢爾在校自治滅亡除暴去 邪國有恒典惟岳在身官爵並宜削除罪止元凶餘無所 還馬燧家資詔 欽定全唐文
卷五十德宗 資並却還之 厥美殊常之迹古人所難器而行之用明信賞仍班王府 問罪出師之際宣布明誠誓辩資產分給戰士故得三軍 重安人之寄屬河朔干紀磁形當寇而能忠義奮發奉解 之貨式表忠臣之節宜令度支出錢充給將士其馬燧家 之眾相與感激百勝之績於兹競勸朕當遂其懇懷以成 河東節度使馬燧誠美夙著宏略載宣克揚經武之規實 以彰愛國之誠下以竭奉公之効不有發美孰旌忠賢 令曹濮等州休兵詔 王

庶乎勝殘去殺之理有耻且格之道而眇身薄德肺腑 發求理中夜靡追常懼祖宗之威靈顧惟黎元之未治是 撫寧方夏蓋有國之令圖也朕自君臨萬邦於兹三載明 在昔聖王之御寓也常修文德以勝威武故能協和神 令問不本之以德義後之以威刑期戰五兵思宏七 飛語容納好謀交質往來邀結外援雖各在封略言備 君臣之際推以腹心賞罰之道俾無僭濫每發一 四方諸侯義信猶阻近聞曹濮數州知加兵籍司馬採 而汴郊士庶頗聞驚擾問井奔散如避寇雠迨兹 認

知悉 發令之日且常言誠非有侵軼不令議戰但田里服業農 中首種未入朕為人君父不能以誠明感達股肱之佐 咎責心用震悼亦以社 次定と与文一、长五十德宗 也是以分命節制及集諸軍於汴宋懷鄭之閒使各屯守 不然至於君臣之道進退之理雖以造次顛沛當所不忘 及時下無愁怨外絕師旅偃旗臥鼓朕願斯畢於戲 以慈惠覆育點黎之類使其骨肉相去情義不通終宵 日 月實鑒我心山川鬼神尚弼予志布告中外成 稷之計億兆之命防危慮遠不得 Ę

尚書兼侍御史大夫周鼎故西州刺史兼御史中丞李 或被誣搆欲論奪之有司無得為理 金与と月 尚父子儀有大熟力保人於皇家嘗誓以山河琢之 夫贈太子太保楊休明故河西節度觀察使檢校工 河西兼伊西北庭節度觀察使檢校工部尚書兼御 世之宥其可忘也其家前時與人為市以子儀 贈楊休明等官詔 有司誣構郭氏詔 う え ニ 刺史兼御史中丞知河西節度留後張銑或寄 部

欽定全唐文卷五十德宗 准陽軍節度使李希烈頃以梁崇義叛逆使之專征即集 勲庸大加思禮名極台輔賞延子孫而乃到德華身去忠 極 内虞未遑外救河雕之右化為虜場伸我忠良残身異域 其心固守西陲以俟朝命羌戎乗閒縣逼城池國家方有 **琇璋可贈戸部尚書銑可贈兵部侍郎** 彌 朝榮式彰茂烈永貴幽壠休明可贈司徒鼎可贈太保 **胚年紀以遠於兹旅柩方旋誠深憫悼故遞加龍贈** 方鎮或攝總留務時屬殷憂並抗貞節率屬將吏誓 討李希烈詔 毛

爵授 靖亂罪止元兇有能斬希烈歸降者四品已上以希烈官 荆南湖南 檁 有不洽未躋 封賊平後除供當道外百姓 烈 圃暴犯汝墳已勅神策汴滑河陽東畿汝州淮南 逆攻劫道路擅固鄧州而 者亦準此例封賞以軍城降者便以其職投之賜 之五品已上封異姓王實封四百戸諸軍將士 劒南江西鄂岳等道十五萬泉尅日齊進吊 仁壽尚勞用兵中心各悼無志鑒寐 郭子儀諸子詔 又圖陷汴 給復三年朕德之不明 州攘奪尉氏攻圍 斬 ہلد 南 獲 化 其

欽定全唐文卷五十德宗 有令名保其先業宜允推思之典以明延嗣之誠其實封 軍祁國公食實封二百五十戶曙太子左諭德映等並休 方居忠履孝儷崇銀膀攄美金章繼撫先封允宜聽復曖 慶垂裕無窮雖嫡長云殂支宗斯盛汾陽舊邑盍有不承 兄檢校工部尚書守太子賓客趙國公晞并弟右金吾將 其男前在散騎常侍尉馬都尉食實封五百戶暖風稟義 三百戶聯可二百五十戶署可五十戶通前三百七十 故尚父太尉中書令汾陽王功格上元道光下土積其善 二千戶宜準式減半餘可分襲暖可襲代國公仍通前襲

映可二百三十五戸	
	-